

دائرة مخصوصه

درسعادتده باب على جورانده

محل اداره :

مُشَارِقَةُ الْقُرُونِ

اخطار :

مسلكمنه موافق آثار جديده مع المنوحيه

قبول اولنور

درج ابدننه بن آثار اعاده اولنور

ديره، فلسفه، علوم، حقوق، ادبيات و سياستنامه و بالخاصه كرك سياسى و كرك اجتماعى و مدنى احوال و مشوره اسلاميه و بحث ايد و هفته ده بر نشر از انور.

آبونه بدلى

سنه لكى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

صاحب و مؤسسى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ يارودر

قيرله دن مقوا بورو ايله كوندريليزسه سنوى

۲۰ غروش فضله آلنير

دردنجى جلد

۱۵ جاذى الاخر ۳۲۸ پنجشنبه ۱۰ حزينان ۳۲۶

عدد : ۹۴

جناب حقك [رب] اولمىندن انلرى زمان بقالرنده مُبَشَقِ اواسى ده لازم كلور - ق ش .

بركت زاره اسماعيل مفي



هانكيسى شعر؟

عرب ادبياتيله براز آشنالغى اولانلر قصيده برده ناميله اشتهار ايتش اولان «بانت سعاد...» نشيده غرامنه ، قابل دكل ، بيكانه قاله مازلر .

جناب پيغمبرك التفاتنه مظهر اولان بو شعر بايغ صحابه دن كعب بن زهير كدر كه باباسى ده عربك الك متين شاعرلر ننددر . حتى حضرت عمر «ك بويوك شاعر كيدير؟» سؤالنه معروض قالدقچه «ومن ومن ديندر» ديهرك زهيره ايتا ايدر مش . چونكه زهيرك معلقه سنده ومن هاب اسباب المنايا ينانه

مصراعيله باشلايان آتى يدى بيت واردر كه هر برينك باشنده «ومن» واردر . عربك شعر قديمى دائما الواح طبيعتى ، عالم بداوتى مصور اوله رق حكيمته نادرآ ترجمانلق ايتديكي ايچون ، جناب عمر بسبللى بوسوزلرده بر خصوصيت كوررمش كه بك بكنير ، دائما انشاد ايدر مش .

معلومدير كه كعبك دمى هدر ايدلمشكن حضور پيغمبرى يه دخالتله او قوديني «بانت سعاد» قصيدهسى سايه سنده مظهر عفو اوله رق ، اجله اصحاب آره سنه كيير مشدر . شعره قصيده برده دينلمسنه سبب ده صاحبي طرفندن انشاد ايديليركن رسول محترمك دوش پا كنده كي برده ني چيقاروب شاعره بخش ايله مسيدر .

بعضيلرى قصيده برده ايله قصيده برئي بر برينه قاريشدير ييورلر . اوت «امن تذكر جيران بذي سلم» مصراعيله باشلايان شعرده حضرت پيغمبر حقنده ايسه ده ناظمى اولان امام بصيرى عصر سعادتي ادراك ايده مدبكي ايچون طبيعى كعب كي شعرينه جائزه اوله رق برده آلاماشدى . انجق بوشعري نظم ايتدكن صوكره چوقدن برى مضطرب اولديني مزمن برخسته لقند شفاياب اولمش ده اونك ايچون قصيده سنه قصيده برئه نامنى ويرمش ، دينلر واردر . بناء عليه برئه ايله برده ني آيير مالايدر . قصيده برده نك متعدد شرحلى واردر كه بنده كز برايكي دانه سنى كوردم . ذاتاً شرحلى اولماسه شرك چوق يرينى بز تركلر شويله طوردم ، عربلرده قولاي قولاي اكلايه مازلر . حتى نبى محترم افنديز قصيده انشاد اولنوركن كچن بعض كله لرى اصحابه صور مشلر ، بيلن اولمايجه كنديلرى ايضاح بويور مشلر در .

غريبدير كه اسلاف كرام بوشعر كزنى شرح ايچون قوجه قوجه كتابلر يازمش ، برچوق دقائق اسانيه ، ادبيه كوسترمش ايكن اصل خطاري لازم كلن بر دقيقه ني كچمشلر در . احتمال كه بنم كورمديكم شرحلرده واردر ؛ لكن كوردكلار مده تصادف ايتديكمي خاطر لاميورم . كعب شعر نده سوديكي سعادك كنديسنى براقوب كيتديكندن

طوتديره رق آرقه سندن يتشمك ايچون نصل بردويه بينمسي لازم كله جكنى اوزون اوزادى يه اكلا تكدن صوكره بر كر يزگاه ايله پيغمبرى مدحه باشليور . بر آره لى «پيغمبر اويله بر سيف مسلول آلهميدر كه قارا كلقدن قالانلر اونك ضيا سيله يول بولورلر ...» مآلنده كي :

ان الرسول لسيف يستضاء به

مهند من سرف الله مسلول

بيتنى اوقوينجه جناب رسول ، صفوت جوهرى ني نظرلردن اورتن قيننى ياروب چيقمش بر قيليچ كي همان برده پا كندن انسلاخ ايدرك بيتك هر صورته ماصدق تامى اولدقلى ني كوسترمش لردر . ايشته شارحلر جناب پيغمبرك تام بويت اوقوندينى زمان مبارك خرقلرينى چيقاروب كعبك اوزرينه آتدقلى ني سويلاورلرده بونده كي انجه لكى اخطار ايتيورلر . بكا اويله كليور كه هيچ بر شاعر بويله قيمتلى بر جائزه آلاماشدر . عجبا هانكيسى ده شعر ؟ قصيده مى ، جائزه مى ؟

محمد عاكف



برنجى قورفرانس :

ملته روح مليت ويره جكلر حقنده

بروسه ده مدرسه معلمينه

سباغ شهير عبدالرشيد ابراهيم افندى حضرتلى طرفنده

افنديلر سزه قارشى سويلاه جكم سوزلر طبيعى در كه ملتك سزدن اميد ايتديكي شيته داژدر . بوراسنك آدينه «دارالمعلمين» ديمشله ؛ بر مبارك نام كه سزك نه اوله جگكزى بوكوندن كوسترييور . فقط بوكا باقارق «بوراسى معلملر يتشنيره جك بر يردر ، بوراده يتشن افنديلر ايشته بشيوز غروش ، بيك غروش معاشه نائل اوله جقلر ، مديستارنى تأمين ايده جكلر در «ديه جك اولورساق ، بويله دوشنوزسه ك بك تأسف ايدر . ديمك كه بورادن چيقان بر افندى كتديكي يرده بر اوقومق يازمق او كر دوب بيك غروش معاش آله جق ، كنديسنك استقبالي تأمين ايده جك ، قارنى طويورمش اوله جق . بويلاه مى ؟ بو قدر مصرفلر ، بو قدر مشقتلر بونك ايچونمى ؟ ... معلومكزدر كه هر سى ، سى اوله بيلمك ايچون بر نتيجه ويرمك لازم در . شيمدى سزنى بورايه طويلامقندن . سزك ايچون برچوق مصرفلر ايتمكدن ، معلملر جلب ايلمكدن مقصد قارنكزى طويورمق ايسه .. يازيق ، بو قدر اوغراشمه يه دكمز .

اولادلر ؛ سز بيلمليسكز كه سزى بورايه طويلامقندن مقصد ، ماته ويريله جك روحى سزه تلقين ايتكدر . سز كتديكيكز يزلرده اوقومه يي يازمه يي اوكرتمكله برابر اطفال ملته اويله بر تربيه ، اويله بر روح نفخ ايده جكسكز كه او سايه ده ملتك استقبالي تأمين ايديلش اوله جق . سزك الك برنجى وظيفه كز اخلاق مايه ايله مجهز بر نسل

عفیف یتیشدیرمک در. سز ظلمت جهالتده بولنان ملتک اوقارا کلقلرده
محو اولوب کتمه مسی ایچون برر موم ، دها طوغرو سویلیه جک
اولورسه ق برر الکتریک ضیاسی سکیز . سز بوکوندن اعتباراً
دوشونمیس سکیز که کتدی سکیز هر کویده صاحجه جفکیز نور وضیا
بتون بو ظلمتلری پاره لایه جق ، او مسعود غایه یه یورو مک ایچون
ملته رهبر اوله جق در . ملت شیمدی بر قارا کلک ، بر جهالت
قارا کلکی ایچنده در . بو ظلمتی ازاله ایده جک انجق سز سکیز .
نه وقت که هر طرفده بویله الکتریک ضیالری اشرا نوار ایلمکه باشلایه جق ،
نه وقت که بو ضیالر بر برینه تلاق ایده جک ایشته انجق او وقت بوملت
باشایه جفنه امین اوله رق بختیار ومسعود اوله بیله جکدر .

ایشته اولادلرم سزک آفاق مملکتده ، روح ملته نشرایده جککیز
ضیالرک شعاعاتی تموج ایتدکجه ملت فعالیتده کله جک ، بو عطا لقی ترک
ایدرك ایلری یه یورو مک ایچون قلبنده شوق وغیرت حس ایده جکدر .
ملت بو حسی ، بوروحی ، بوفیضی آنجق سزدن استفاضه ایده بیله جکدر .
اونک ایچون سزک وظیفه کز پک مهم در . هرشیدن ، بتون مساعیدن
مهم در . فقط بو اهمیت ، حقیقی دوشونمک واکا وصوله غیرت ایتک
شرطیله در . یوقسه یالکیز اوقومیه یی یازمه یی بیلدیرمکه ینه برشی
حاصل اولماز . سز تعلیم ایدرکن ملتک روحنه حلول ایده جک سکیز .
زیرا اوقورکن یازارکن ویریه جک روح هیج بروقت ویزلز . بتون
دنیا ده بوکون مشهوردر که چوجق خوجه سندن آلدینی بر شیئی
باشقه سندن آلهماز . بوکون بز تصور ایده جک اولورسه ق خوجه من
کبی مقدس ، فاضل برذات بوله میورز . نه قدر خطالی اولسه ینه
خوجه منی مدافعه یه چالیشیورز . اونک ایچون جانمزی فدا
ایدرز ... نه دن بویله ؟

دیمک که خوجه منزه قارشی او یله بر وضعیتمز وارمش که ، اوکا
او قدر احترام ، اونی قلباً او قدر تقدیس ایدریمسز که خطا اوله رق
تلقین ایتدیکی برشیک مصیب اولسنی دعوا یه قیام ایدیورز . بو جوق
بیوک برشی در . اونک بزم روحزه نه قدر حلول ایتدیکنه بیوک
بر دایلدیر . ملاحظه ایده جک اولورسه ق استقبالده هر بریکیز نه قدر اطفال
ملتک روحنه حلول ایده جک سکیز . بر کویده مثلاً اون سنه اوطورسه کز
اونر طلبه دن یوز طلبه ، یوزردن بیک طلبه کندیکزه جذب ایده جک
باغلا یه جقسکیز . بو صورتله هر طلبه بیک آدمک روحنه نفخ حیات
ایدر ، آنلری روح اسلام ایله تنویر ، فساد اخلاقدن منع ایدرسه ،
اخلاق حمیده اسلامیه یی آنلره بحق آنلره کلا ده بیلیرسه نه عظیم خدمت در بو .
ایشته بو ملتی دشمنلرک ظلمندن قورتاره بیله جک آنجق بویله بر فعالیت
منتظم در . بتون دارالمعلمینلردن حقیقه جق اولان افندیلر بویله بیوک
برما کنه یی ، تربیه مایه ما کنه سنی چویرمکه مکلفدر .
حرکتده کی وحدت وانتظام نه درجده ایسه موفقیت وسعادتده
اونستده در .

استقبالده بو صورتله خدمت ایدرسه کز ملت سزکله افتخار ایدر .
یوق ، اکر دوشونجه کز بیک غروش معاشی تأمین ایچونسه واسفا ...

کاشکه آج قاله یدیکزده بورایه کلیه یدیکز .

ایشته اولادلرم بنم سزه نصیحت ورجام شودر که دیانت اسلامیه
نامه ملتک استقبالی ملاحظه ایدرک مکتبک ا کمالی متعاقب ایفاسنه
باشلایه جفکیز وظائفک ، اوزون اوزون ملاحظه لرله ، مذا کره لرله ،
شیمیدن پلانلری قورمالی سکیز .

پک اسکیدن بری استانبول طایه لری آراسنده بر سوز واردر :
« مدرسه یه کیردیکی وقت برشا کرد استقبالده شیخ الاسلام اوله جفنی
دوشونمزه او ملا اولهماز . » دیرلر . بو هر نصیسه سویلنمش بر
سوزدر . فقط غایت معنالی در . یعنی حقیقه شیخ الاسلام اولمق
دکل [چونکه مأموریت فکری بسله یین طلبه نک ، شا کردکده
تحصیلندن بر خیر امید ایتیم] ، بلکه علمنی اودرجه یه حیقارمق . بویله
دوشونورسه او طلبه نک استقبالی بارلاق اولور و دائماً او صورتله
چالیشیر . یوقسه یالکیز بر معلم اولیم دیرسه اوندن قولای برشی
یوقدر . هیج بویله سنه لرجه مشقته توقف ایتمز . او اوچ آیلق بر
شیدر . برشهادتنامه اله ایدنجه اولدی کیتدی .

بونک ایچون اولادلرم سز بوکوندن اعتباراً مذا کره ایتلیسکیز که
تحصیلکیزی ا کمال ایتدکن صوکره کوره جککیز خدمت نه در ؟
ملتک ایچنده او الکتریک ضیاسی خدمتی کوره بیله جکمیسکیز ،
یوقسه کوره میه جکمیسکیز ؟ اکر کوره میه جکسه کز نیچون ؟ قصور
یا سزده در ، یا مکتبده . مکتبده بر قصور کورورسه کز معلملره ،
مدیره اخطار ایتلی . یوق اکر قصور سزده ایسه او وقت دها
زیاده چالیشملی سکیز که ا کمال ملت ایدوب حقیقجه بحق بر الکتریک
ضیاسی اوله سکیز . بزه آرتق باقاییکیز . بز باشقه زمانده یتشمسز .
سز ایسه کنجسکیز ، بوندن صوکره کوره جککیز خدمتلر پک مهم در .
زیرا ملت ومملکت انحطاطک اشاغی قدمه سنه کلدی .

ایشته کوریورز که بوندن اشاغیسی یوق . یوقاری حیقمق
ایچون فصل . بر مردیون قورم دیه دوشونمیسکیز . او یله ایسه
نه یاهلم ؟ یاه جفمنز تکرار عروجدر . بابالرمزک بولدینی مقامی بولهلم .
او مقامی کورمک ایچون بو نچرهدن باقارسه ق نه جسم بنالر ، نه
قیمتدار مؤسسات کوریورز . هر نریمه باقیلسه آثار اسلاف کوزه
چارپیور . یشیل انکارنده بر حیات آسوده کچیردیککیز شوکشیش
طاغی کیملر فتح ایتمش ؟ کیملر ونه صورتله بورالرده سلطنت
قورمشلر ؟ بونلری درک ایده میه جک قدرمی بصیرتمز ، ملاحظه من
کورلشمش ؟ او ترقیات ایله بو انحطاط نه در ؟ اونلرک یایدیغی بزمده
یایمه مزدن واز چکدک . اونلرک یایدق لری بز محافظه ایدم بیلسه ک بزم
ایچون ینه کافی در . اکر اوکاده موفق اوله مازسه ق ارتق بزم ایچون
باشامق فضلدر . بو چالیشمه دن ، بو اغراشمه دن مراد یالکیز بر بوغاز
طوقلنی ایسه یازیق بزه ! بر آراهی ده اوچیوز غروش قازانیر ،
بر حالده اکیوز غروش چیقاره بیلیر . بونک ایچون صاریق صارمه یه
حاجت یوق .

بو صورتله هر طلبه هیج اولمازسه هفته ده بر کره کندی بیننده

تعاطي افكار ايدرك دينك ، ملك استقبالي حقنده دوشونيليرسه ،
پلانلر حاضرلايرسه ان شاءالله مملكتتمز بك ياقين زمانلرده غايت
بارلاق صورتده ترقى ايدجك در .

اما بوني دوشونمزهك ، يكديكر مزك قصوريني كورونجه ياصاقلامغه ،
ياخود عزت نفسى جريحهدار ايدجك صورتده غرضكارانه شخصياته
باشلايه جق اولورسهق بوندن برمعنى چيقماز . آرقداشلرمزدن برينك
بر قصورى كورونجه نه يامالى يز ؟ مثلاً آرا كزده بر آدم واركة
اويغونسز معامله لرده بولونيور ، مناسبسز يرلره كيدييور . اوني
اورته كزه آليرسكز :

— قارداشم ، ديرسكز ، بزم نرهده بولونديغمزي خاطر يكزه
كتيريكز . بز ايلروده ملتبه خدمت ايدجك آدملرز . بوكون
كندى اخلاقمزي محافظه ايدمزهك ، كندمزي تربيه ايدمزهك
ملتى نصل تربيه ايدجكز . قارداشم عيب در ، كل ايمه . بزده بر قصور
كورورسهك سن ده سويله ...

بويله خير خواهانه اخطاراتده بولنيليرسه بوكا قارشى كيم نه
ديه بيلير ؟ مکتبك تربيه سى كې بر تربيه اوله ماز . مکتبلك تربيه سى
بارلاق تربيه اولور . يوق ، هر كس بر طرفه كيدر ، قهوه لرده
وقت كچير ، اولمايه جق يرلره دولاشير ؛ صوكراده ينه مکتبه كلوب
كيتمهك قاتيشيرسه بو ، خسراندن ، اضمحلالدن باشقه بر نتيجه ويرمز .
بوراده بوكون ترويچ اولونان اك بيوك بر صنعت وارسه اوده
قهوه جيلك در . نه كپازمك ! ميخانه جيلكدن بيله بدتر در . چونكه
نه قدر اولسه اونك ضررى محدود در . بر كره جوق آجيله ماز .
صوكر اورياه كيدنلر اك ادبسر طاقم در . اما قهوه خانه نك ضررى
ميخانه دن بيو كدر . زيرا كيمسه برشى ديه ميور . ياياجنى ياپار .

بزم شريعتده بر طاقم شيلر واردركه تحريم اولونمشدر .
مثلاً موسيقى حرام در . فقط نچون حرام در ؟ دوشونولورسه بركان
مثلاً بر آغاج پارچه سى ايله بر كيريشدن عبارتدر . بو شيلرده ايسه
حرام اوله جق بر شى يوقدر . تحتبه پارچه سى ، كيريش ، تل ...
حرام اولان بولرمي ؟ بوشيلرك نه ضررى وار ؟ فقط ايشته حرام در .
بو كې مسائلى شريعت اوقدر كوزل تدقيق ايتمشدر ، انسا دونوب
دولاشور ، ينه اوحقيقتى قبوله مجبور اولور . موسيقى نك مضرتى باشقه
شيئك مضرتندن ده ها چوقدر . اونك ايچون اوده شدتلى
حرام در . بر آدم راقى ايچر ، اوصلى كيدرسه ضررى كندى نفسنه
منحصر قالير . فقط بر كان چاليرسه يوز آدمى ايشندن آليقويار ،
اونلرك وقتلرني ضايع ايدر . ايشته شريعتك تحريم ايتمنك سببى
بودر .

قهوه جيلكده بويله در . بوده اونك كې انسانى ايشندن آليقويار .
اسقانييل كاغدلى ، طاوله لر ، دامه لر . . . بونلر حياتى اولدورمكدن
باشقه نه در ؟ اونك ايچون چالغى حرام سه بوده قطعياً حرام در .
ايشته شريعت بوصورتله هر شئي نظر دفته آلمشدر ، اونك ايچون
انسانه مضر اولان شيلردن منع ايچون علما من حرامدر ديمشلر .

يعنى ممنوعدر . بونلر هپ دوشونولوب سويلنمش ، دوشونلرك حكم
ويرنمش ، يوقسه بزم ظن ايتديكمز كې اويله برينك عقلنه كلش ،
بر فتوى ويرمش ، هايدى حرام اولمش . . . اويله دكل . بله
دوشونمشلر ، اوزون اوزادى به ذهن يورمشلر ، مضرتى بولمشلر ،
بوش يره عمرمزي ضايع ايتيمه ديه حرام در ديمشلر .

ايشته بوكې حقيقتلرى سنك كې افنديلر مکتبه استادلردن
ايشيده ايشيده بر ملكه حاصل اولور . صوكر اوييله كيدنجه بر
الكتريق ضياسى كې اونلره نشر انوار ايدرسكز . اونلرده سزه ،
الله اضي اولسون ، دير . اما اورايه كيت ، حكومتدن معاش
آلدقن صوكرانه اولورسه اولسون ديه درس اوقوتوبده چوجقارك
اخلاقنه باقه ، صوكراده معلم ، مأمورم ديه باشلرينه مسلط
اوله رق فساد اخلاقرينه ده سبب اول . . . آرتق اوكا ويريله جك
صفتى بن بوله نام ، سز دوشونكده اوكا بر نام ويرك . بوده سزه
محولدر . بن صميم قلمدن سنك هر بريكزدن ملتبه روح مليت بخش
ايدجك بر مصباح معرفت اولمكزي جناب حقدين تمى ايدرك
ختم كلام ايلرم .

معنويات عسكرية درسلى

عوامك تهذيب اخلاقنه ، تنوير افكارينه خادم بوفائدهلى ومهم
اثر دن كچنلرده بحث ايتمش ايدك . ايكنجى كتابنك بو هفته انتشارى
مناسبتيله ملاحظاتمزه بر ايكي سوز ده علاوه وتعليق ايتك ايتيورز .
خلقمرك عموماً تنويرى لزومنى ، مسئله نك سعادت استقباليه مزه
اولان درجه ارتباطى وطنمرك هان بتون ارباب قلمى برر مناسبتيله
موضوع بحث ايلديلر . بوزمينده بك جوق آتشين مقاله لر يازيلدى ،
غايت مصيب مطالعه لر يوريتلدى . فقط نتيجه هر شيده اولدينى كې
ينه هيچدن عبارت قالدى .

كچنلرده طنين رفيقمزده بر فقره واردى : كويلي نك برى
كتابجى به كلش ، بر شهران حكايه سى ايشته مش . اوراده حاضر بولنانلر
شهراندن برشى استفاده اولنه ميه جغنى ، ايشه يرار بر كتاب آلمسنى
سويله مشلر . بچساره كويلي « بن بشقه سنى بيلميورم ، سز بكنك ده
آلهيم » ديمش . توصيه ايدنلر آرامشلر ، طرامشلر ، قوجه كتابجى
دكاننده كويلي نك ايشنه يرار بر كتاب بوله نام مشلر . رفيقمز بوفقره به
يكي اثرلر حر كه سز باصيلدينى جهته اساساً حر كه لى كتاب اوقومغه
آليشان كويليلر ايچون بونلردن استفاده ممكن اولماديني ملاحظه سنى
ترديف ايدديوردى . حالبوكه بز حر كه سز اولق اوزرده شرائط
مطلوبه ني حائر ، يعنى كويلي نك بحق ايشنه يرار ، حسيات نجييه سنى
تميه ايدر كتاب خاطرله ميورز . نه اولوردى ، سلاست بياني جمله نك
معترفى اولان رفيقمرك سر محورى حسين جاهد بك بيسود مناقشات
قلميه به بدل كتيبخانه مزه بويله بر اثر اتحاف ايديدى .

فقط بزده هر شى تمينه قالير . افسوس جمله مزقوال اولديغمز